

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

Делегација у Парламентарној скупштини
Савјета Европе



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

Delegacija u Parlamentarnoj skupštini
Vijeća Evrope
Izaslanstvo u Parlamentarnoj skupštini
Vijeća Evrope

Handwritten signature

PARLIAMENTARY ASSEMBLY OF BOSNIA AND HERZEGOVINA
Delegation to the Parliamentary Assembly of the Council of Europe

Broj: 01,03,03/11-05-2-356/20

Sarajevo, 11. 3. 2020.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO. 25-06-2020

Organizaciona jedinica	Klasifikaciona oznaka	Redni broj	Broj priloga

IZVJEŠTAJ

SA SJEDNICA BIROA, ZAJEDNIČKOG I STALNOG KOMITETA
PARLAMENTARNE SKUPŠTINE VIJEĆA EVROPE, PARIZ,
5. I 6. MART 2020. GODINE

Sarajevo, mart 2020. godine

U Parizu su 5. i 6. marta 2020. godine održane sjednice Biroa, Zajedničkog i Stalnog odbora Parlamentarne skupštine Vijeća Evrope (PSVE) na kojima je učestvovala članica Delegacije Parlamentarne skupštine Bosne i Hercegovine u PSVE-u i potpredsjednica PSVE-a Snježana Novaković-Bursać.

Na sjednici Zajedničkog odbora PSVE-a, održanoj 5. marta putem videolinka, koja je bila zatvorena za javnost, članovima Komiteta ministara Vijeća Evrope i članovima PSVE-a predstavljeni su potencijalni kandidati za zamjenika generalnog sekretara Vijeća Evrope, te su definirani koraci u procesu selekcije koji će biti preduzeti u narednom periodu. Istog dana na sjednici Biroa, koja je također bila zatvorena za javnost, potvrđen je dnevni red drugog dijela redovnog godišnjeg zasjedanja PSVE-a, koje će se od 20. do 24. aprila održati u Strazburu, te je potvrđeno uvrštavanje rasprave o aktuelnim pitanjima na dnevni red sjednice Stalnog odbora PSVE-a, a u vezi s dešavanjima na granicama između Turske, Grčke i Bugarske iz perspektive zaštite ljudskih prava i mogućnosti efikasnijeg djelovanja.

Otvaranje sjednice Stalnog odbora, održane 6. marta, započelo je obraćanjem predsjednika Parlamentarne skupštine Vijeća Evrope Rika Daemsa koji je informirao članove o njegovim aktivnostima u proteklom periodu. Na početku sjednice potvrđeni su akreditivi za članove i zamjenske članove delegacija Njemačke, Poljske i Španije te su, također, potvrđene izmjene u sastavu odbora PSVE-a iz navedenih država.

Raspravu o aktuelnim pitanjima, a u vezi s velikim brojem migranata koji se nalaze na granicama između Turske, Grčke i Bugarske, otvorio je Tiny Kox u ime političke grupe Ujedinjene evropske ljevice (UEL) u PSVE-u. Gospodin Kox postavio je pitanje šta se u ovoj situaciji može učiniti za zaštitu ljudskih prava migranata, a što je obaveza svih država članica, te pozvao tijela Vijeća Evrope da preduzmu određene aktivnosti s ciljem adresiranja ovog gorućeg problema. Nakon obraćanja gospodina Koxa, uslijedila je rasprava članova Stalnog odbora koji su iznosili svoje viđenje o navedenom problemu, a poseban osvrt o preduzetim mjerama kao i ozbiljnosti situacije imali su članovi iz Turske i Grčke. Predsjednik PSVE-a zatvorio je raspravu porukom da je Vijeće Evrope i dalje u potpunosti relevantno međunarodno tijelo kada je riječ o promoviranju zajedničkih vrijednosti ljudskih prava. Naglasio je da su u pitanju životi i odgovornost svakog parlamentarca da ovo pitanje stavi na dnevni red svog parlamenta i pozove vlade i ministre vanjskih poslova da se uključe u rješavanje.

Članovi Stalnog odbora raspravljali su o prevenciji nasilja i diskriminacije nad vjerskim manjinama među izbjeglicama u Evropi, na osnovu izvještaja Egidijusa Vareikisa, izvjestioca Odbora za migracije, izbjeglice i raseljena lica. Gospodin Vareikis naglasio je da je neophodno stvoriti atmosferu poštovanja, dostojanstva i zajedničkog života kako bi se


zbrinule izbjeglice i tražioci azila, koji su ranjivi pojedinci. Također je prezentirao praktične mjere koje bi poboljšale trenutnu situaciju što bi, između ostalog, uključivalo specijalizirane obuke za psihologe i druge aktere koji rade sa izbjeglicama, te naglasio neke dobre primjere u praksi poput besplatne telefonske linije za pružanje podrške žrtvama od strane nacionalnih ombudsmena ili policije. Stalni odbor jednoglasno je usvojio Nacrt rezolucije o navedenom pitanju.

Nadalje, razgovaralo se o funkcioniranju i budućnosti Vijeća Evrope i PSVE-a, predsjednik PSVE-a kazao je da se u posljednjim godinama postavlja pitanje ustroja, efikasnosti, važnosti i uticaja inicijativa PSVE-a, te iznio prijedloge o kojima će se razgovarati u narednom periodu, a koji se baziraju na pet tema: jačanje političkih grupa; unapređenje efikasnosti PSVE-a kroz unutrašnju reformu; jačanje uticaja PSVE-a kroz međuparlamentarni kontakt; stvaranje sinergija kroz politički kontakt; podizanje svijesti o boljem publicitetu PSVE-a. Članovi Stalnog odbora iznijeli su svoje viđenje i prijedloge koji bi eventualno doprinijeli adresiranju ovog pitanja.

Na kraju sjednice Stalnog odbora PSVE-a, generalni sekretar Parlamentarne skupštine Vijeća Evrope Wojciech Sawicki informirao je članove o posljedicama mjera koje su već preduzele pojedine vlade u vezi s pandemijom koronavirusa na naredne aktivnosti PSVE-a i njenih odbora. Kazao je da je odluka o održavanju sjednica odbora PSVE-a u naredne dvije sedmice prepuštena predsjednicima istih odbora, te da je prerano za donošenje odluke o otkazivanju aprilskog dijela zasjedanja PSVE-a. Predsjednik PSVE-a naglasio je da Stalni odbor nije nadležan da donese odluku o otkazivanju sjednica odbora, te je pozvao predsjednike odbora da uzmu u razmatranje vanredne okolnosti i odgode sjednice predviđene za mart.

Na kraju sjednice Stalnog odbora odlučeno je da naredni sastanak bude održan u Atini 29. maja 2020. godine.

Izveštaj pripremila:



Adisa Fišić Barukčija

Sekretarka Delegacije PSBiH u PSVE

Izveštaj odobrila:



Snježana Novaković Bušać
Članica Delegacije PSBiH u PSVE

Dostaviti:

- Kolegiju Predstavničkog doma PSBiH
- Kolegiju Doma naroda PSBiH
- Kolegiju Sekretarijata PSBiH
- članovima i zamjenskim članovima Delegacije PSBiH u PSVE-u
- Komisiji za vanjske poslove Predstavničkog doma PSBiH
- Komisiji za vanjsku i trgovinsku politiku, carine, saobraćaj i komunikacije Doma naroda PSBiH
- Sektoru za odnose s javnošću
- Sektoru za međunarodne odnose i protokol

Kopija: Ministarstvu vanjskih poslova BiH